

28.01.2012

Luca D'Ambrosios Referat

Wie unser Mitglied Luca D'Ambrosio gerade berichtete, hatte er in der letzten Woche das Vergnügen, in St. Ulrich, d.h. im Sitz des Schachklubs Gröden, dem Südtiroler Rekordmeister, ein Referat zu halten. Eine verbreitete Redensart ist *nemo propheta in patria* (Der Prophet gilt nichts im eigenen Lande), aber sein Vortrag war recht erfolgreich und wurde sogar in einem [Artikel](#) berücksichtigt ... in Ladinisch!



I jëuni che à jugà pra l Grand Prix a Ridnaun: Matthias Kasslatte, Gabriel Prinoth, David Dejori, Nadia Kasslatte y Elia Bergmeister.

Sesto di y sesta vënta per l Gherdëina l

La ie jita drët bën per la scuadras dila Lia Schach Gherdëina tla ancuntes per l Campiunat Provinzial a scuadras. De bie resultac nce per i plu jëuni che à fat pea pra l Grand Prix

Schach - Serie A: cun nia puecia fadia à la prima squadra dila Lia Schach Gherdëina venciù l sesto di ai 14 de jené 2012 n cesa cun l Naturus II per 3,5 a 2,5. Sceben ndebilda pervia che l manciava vel' jugadèur, ratöven che la vënta fossa stata na cossa saurida. Dut auter! Nà abù cin' èura y mesa per storjer la segunda squadra dl Naturus, che teniva permez cun artienenza. Venciù à Ruben Bernardi y Franz Prinoth, remis à fat Rainer Demetz, Thomas Moroder y Manuel Taschler. Chësc ultimo à jugà per l segundo iede tla serie A, dajan cun si mez pont si contribut ala vënta dila squadra. l Gherdëina l ie nscila al mumënt for mo al segundo post tla classifica dila serie A cun 12 ponc, do l Merania, enghe cun 12 ponc, y dan l Persenon/ Milland cun 11 ponc.

Serie B: per la serie B iel da reporté finalmënter na bela nutizia! Per 3,5 a 1,5 à batù bēndebot sauri l Steinegg. Si partidas à venciù Bruno Goller y Rifat Kazazi, remis à fat Klaus Knottner, Johann Grossrubatscher y Iacur Prugger. Chësc resultat à sburdà l Gherdëina II al decimo post dila serie B cun 3 ponc. N spera che la vede inant cun l medemo sgors!

Serie C-est: la terza squadra dl

Gherdëina à ancuntà n cesa l Niederdorf, l luech da na gran tradizion tl juech dl Schach te Südtirol. Iust perchè iel da auzé ora l bel resultat a pèr per 2,5 a 2,5 arjont dai patrons de cesa. Siegfried Senoner y Pauline Taschler à venciù, David Dejori à contribui cun na remis. l Gherdëina III ie sën al quinto post dila classifica cun 4 ponc.

Grand Prix di Jëuni a Ridnaun

Cin jëuni dila Lia Schach Gherdëina ie jic n dumënia ai 15 de jené a Ridnaun a fé pea pra l quarto turnoi dl Grand Prix 2011/12, ruvan inò a cesa cun propi de bon resultat. David Dejori à arjont n bonissimo terzo post tla categoria di mutons sot a 14 ani cun 5,5 ponc. Matthias Kasslatte se à classificà sesto cun 4,5 ponc y Gabriel Prinoth 14ejim cun 2,5 ponc. Nadia Kasslatte ie chëst iede ruveda al segundo plazamënt tla categoria dila mutans sot a 10 ani cun 4,5 ponc. Elia Bergmeister, tla categoria di mutons sot a 10 ani, à arjont cun 4 ponc l quarto post. Chisc jëuni ie la speranza dl dauni dila Lia Schach Gherdëina!

La storia di Schach te Südtirol dal Medievo



Ntan l referat sun la storia dl schach te Südtirol purtà dant dal Dut.Luca D'Ambrosio

incà

Referat dl dut. Luca D'Ambrosio teni n lunesc ai 16 de jené a Urtijei. Sun nvit dila Lia Schach Gherdëina, à l storich de Schach dut. Luca D'Ambrosio teni a Urtijei n belissimo referat n cont dila storia dl Schach te Südtirol, scumencian dala fin dl 1200 nchin a do la segunda gran viera. L ie propi da se fé marueia tan de documēnc, munēdes, chedri y dantaldut libri che à da n fé cun l argumēt dl Schach che l ie mo al didancuei da udēi y amiré y che conta che l univa fat al Schach da nēus da almanco 800 ani incà. Duc chēi che ie unic a scutē su chësc referat à bele sën pudù ti cialé a de bela vedla fotografies di gran turnoies nternaziunei de Maran di ani 1924 y 1926. Chësc material unirà ntan l ann 2012 publicà dal dut. D'Ambrosio te si liber de passa 400 plates che trata de chisc turnoies.

L ie na gran fortuna che te nosta provinzia ons cun l dut. D'Ambrosio n storich de Schach apasciunà che bele sën, do n valgun ani de atività te chësc ciamp, à nresci y abinà adum material che fossa scenó jit perdù per for: bele per chësc possa la cumenanza di jugadēures de Schach, y no mé chësta, l ringraziē de cuer per si lēur de valor. (rd)